

# INUIT ATAQATIGIIT

## INATSISARTUNI



Nuuk, 6. juni 2013

Inatsisartut suleriaasianni § 37 naapertorlugu Naalakkersuisunut imaattumik apeqquteqarpunga.

(Inatsisartuni ilaasortaq Juliane Henningsen, Inuit Ataqatigiit)

### Apeqqut:

Naalakkersuisut sulisartut avataaneersut suliffissaqartitsinerlu pillugit § 37 naapertorlugu apeqquteqaatinnut akissuteqarneranni ( nr. 63) kommuneni suliffissaaleqisut amerlassusaat qanorlu agguataarneqarnerat nassuiaatigineqarpoq, taamaattorli inatsit malillugu suliffissaaleqisunit qassit inuttut iliuusissanik pilersaarusiortigineqarsimanersut akissummi ersinngilaq. Taamaattumik apeqqut manna nassiuteqqinneqarpoq.

- 1. Kommunini suliffissaaleqisut amerlassusaat qanorlu agguataarneqarnerat pillugu qa-noq naalakkersuisut nassuiaateqarsinnaappat aammalu inatsit malillugu taak-kunangga qassimmita inuttut iliuusissanik pilersaarusiortigineqarsimap-pat?**

### Tunngavilersuut:

Naalakkersuisunut apeqquteqarninni 63/2013 maannalu akineqarsimalersumi naammaginnangitsumik akineqarama apeqquteqaqqittariaqalerpunga. Tamatumani pineqarpoq suliffissaaleqisut inuttut pilersaarusiunneqartussaataanerit pillugu apeqqutip akineqarsimannginnera. Apeqqusernartippara Naalakkersuisut suliffissaaleqisut qanoq amerlatigisut pilersaarusiunneqartarnerinut tunngasumik paasissutissanik pissarsiaqarnissaminnut soqutiginninnerat annikimmat, tamannalu isorineqartariaqarpoq. Naalakkersuisut kommunet akisussaaffimminik malinninersut nakkutigisussaavaat. Suliffeqarnermi innersuussisarneq il. il. pillugit Inatsisartut peqqussutaat nr. 10, 18. december 2003-meersumi § 5 malillugu suliffissarsiortunut inunnut, aammalu inunnut piginnaanngorsarnermik ingerlassani ilaasunut ataasiakkaartitatut iliuusissatut pilersaarusiornissaq kommunit akisussaaffigaat.

Taamaattumik Naalakkersuisut qinnuigissavakka kisitsinik/paasissutissanik kommunenit pissarsiniaqqullugit, soorlu tamanna periuseq meeqqat inuusuttuaqqallu angerlarsimaffiup avataanut inissineqartartut pillugit Naalakkersuisunut § 37 atorlugu apeqquteqarninni akissutini ersertoq.

Pingaaruteqarpoq suliffissaaleqisut ataasiakkaat suliffissaaleqisuujuaannartussatut inissineqartuusinninnissaat, taamaattumillu inuit ataasiakkaat pilersaarusiunneqartussaanerit inatsitigut piumasaqaataareermat, ilinnialeqqinnissamut imlt. allatigut sulilernissamut sakkussatut atorineqarsinnaalluarmat ujartuivunga.